

DIE XVII. JULII.

IN FESTO

SS. J V S T Æ.

ET

R V F F I N Æ.

SORORUM VIRGINUM, ET MARTYRUM
HISPAL.

DUP. I. CLAS. CUM OCTAV. IN TOT. DIOEC. HISPAL.

DIE XXIV. JULII.
IN OCT. SS. JUSTÆ, ET
Ruffinæ VV. & MM. Dupl.
Omnia ut in die Festi, præ-
ter lect. 1. Nocturn. quæ di-
cunt. de Script. occ. & Lect.
2. & 3. n. quæ dicunt. ut
infra.

IN DIE OCTAVA.

In secundo Nocturno.

De Epistola Sancti Hierò-
nymi Presbyteri ad
Eustòchium.

De Custodia virginitatis, tomo
1. circa medium.

Lectio iv.

DE virginibus, inquit
Apòstolus, præcep-
tum Dòmini non habeo.
Cur? quia & ipse, ut esset vir-
go, nò fuit imperii, sed pro-
priae volùtatis. Neque enim
audiendi sunt, qui eum
uxòrem habuisse confia-

gunt; cùm de continèntia
disserens, & suadens perpè-
tuam castitatem intùlerit:
Volo autem omnes esse si-
cut meipsum, & infra: Dico
autem innuptis & viduis:
Bonum est illis, si sic permà-
neant, sicut & ego. Quare
ergo non habet Dòmini de
virginitate præceptum? Quia
majòris est mercèdis, quod
non cògitur, & offertur:
quia si fuisset virginitas im-
perata, nùptiæ videbàntur
ablatae; & durissimum erat
contra naturam cògere, An-
gelorumque vitam ab ho-
minibus extorquere.

¶. Propter veritatem, &
mansuetudinem, & justiti-
am: * Et deducet te mira-
biliter dextera tua. ¶. Spè-
cie tua & pulchritudine tua
intende, prospère procède,
& regna. Et deducet.

✠

Le:

Lectio v.

ALia fuit in vèteri lege felicitas. Ibi dicitur: Beatus, qui habet semen in Sion, & domèticos in Jerùsalem, & : Maledicta sterilis quæ non parièbat, & : Filii tui sicut novellæ olivârum in circuitu mensæ tuæ. Vācuis erat orbis, &, ut de typicis rāceam, sola erat benedictio liberōrum. Proptèr eā & Abraham jam senex Ceturæ copulatur, & Jacob mandragoris redimitur, & cōclūsam vulvam in Ecclesiā figurām Rachel conquiritur. Paulatim verò incrementē sēgete, messor immisus est. Virgo Elias, Elisèus virgo, virgines multi filii Prophetarum. Jeremiæ dicitur: Et tu ne accipias uxōrem. Sanctificātus in utero, captivitate propinqua, uxōrem prohibētur accipere. Aliis verbis id ipsum Apōstolus loquitur: Existimo hoc bonum esse propter instantem necessitatem. Quæ est ista necessitas, quæ aufert gaudia nuptiarum? Tempus breviātum est, in proximo est Nabuchodonosor.

℞. Dilexisti iustitiam, & odisti iniquitatem: * Proptèr eā unxit te Deus, Deus tuus oleo lætitiæ. ⁊. Propter veritatem, & mansuetudinem, & iustitiam. Proptèr eā unxit te Deus.

Lectio vi.

Paulò pōst.

INveniebātur ergo, ut diximus, in viris tantum hoc continentiae bonum, & in doloribus jugiter Eva parturièbat. Postquam verò Virgo concepit in utero, & peperit nobis puerum, ejus principatus in humeros ejus, Deum, fortem, patrem futuri sæculi, soluta maledictio est. Mors per Evam, vita per Mariam. Ideoque & ditius virginittatis donum fluxit in feminas, quia cepit à femina. Statim ut Filius Dei ingressus est super terram, novam sibi familiam instituit; ut qui ab Angelis adorabatur in cœlo, haberet Angelos & in terris. Tūc Holofernus caput Judith continens amputavit: tunc Aman, qui interpretatur iniquitas, suo combustus est igni: tunc primum auditum est: Quæ non est nupta, cōgitat quæ sunt Dōmini, ut sit sancta corpore & spiritu.

℞. Afferentur Regi virgines post eam, proxima ejus, * Afferentur tibi in lætitia & exultatione. ⁊. Specie tua & pulchritudine tua intēde, prosperè procēde, & regna. Afferentur tibi. Glōria Patri. Afferentur tibi.

In tertio Nocturno.

Lectio sancti Evangelii secundum Matthaeum.

Lectio vii. Cap. 25.

In illo tempore: Dixit Jesus discipulis suis parabolam hanc: Simile est regnum coelorum decem virginibus, quae accipientes lampades suas, exierunt obviam sponso & sponsae. Et reliqua.

Homilia Sancti Augustini Episcopi.

Serm. 23. de Verbis Domini. cap. 8.

Intendat itaque caritas vestra. Sapientium lampades ardébant de oleo aeterno, de conscientiae securitate, de interiori gloria, de intima charitate. Ardébant tamen & illarum fatuarum. Quare tunc ardébant? Quia non deerant laudes hominum. Postea vero quam surrexerunt, id est, in resurrectione a mortuis, coeperunt aptare lampades suas, id est, parare Deo operum suorum reddere rationem. Et quia tunc nemo est qui laudet, omnis homo causae suae vacat: non erant qui oleum venderent, coeperunt deficere lampades.

¶ Hae est virgo sapiens, quam Dominus vigilantem invenit, quae acceptis lampadibus sumpsit secum oleum:

* Et veniente Domino, in-

troivit cum eo ad nuptias. ¶ Media nocte clamor factus est, ecce sponsus venit, exite obviam ei. Et veniente.

Circa finem, cap. 10.

Lectio viii.

Clausum est ostium. Et quid illis dictum est, Non novi vos? Non illas novit, qui omnia novit? Quid ergo est, Non novi vos? Improbo vos, reprobo vos: in arte mea non vos agnosco: ars mea nescit vitia. Hoc est autem magnus, & nescit vitia, & iudicat vitia: nescit faciendo, iudicat arguendo. Sic ergo non novit vos. Ierunt, intraverunt quinque prudentes. Sint in vobis quinque prudentes, ad istam prudentiam quinarum numeri pertinentes. Veniet enim hora, & quando nescimus, veniet. Sic clausit Evangelium: Vigilate, quia nescitis diem neque horam. ¶ Media nocte clamor factus est: * Ecce sponsus venit, exite obviam ei. ¶ Prudentes virgines aptate vestras lampades. Ecce. Gloria Patri. Ecce.

Nona lectio Homil. Vigil. S. Jacobi Apost. ut in prop. ss. Hispan.

Si dies Octava venerit in Dominica, tunc 9. lect. legitur de Homil. ipsius Dominicae.

HISPALENS.

CUM Sanctissimus Dñus Noster Benedictus Papa XIV. die 15. Aprilis currentis anni ad pias, enixasque preces Emin. & Rmi. Dni. Cardinalis Portocarrero, nomine Catholice Majestatis Hispaniarum Regis Officium proprium SS. JUSTÆ & RUFFINÆ VV. & MM. approbatum recitandum die 19. Julii ab omnibus, qui in uni versa Ditione præfati Regni ad horas Canonicas tenentur sub Ritu duplicis minoris concesserit; modò idem Emus. & Reverendissimus D. Cardinalis nomine ipsius Majestatis Catholice, nec non Aloysii S.R.E. Cardinalis Regii Hispaniarum Infantis Ecclesiæ Hispalensis Administrato- ris eidem SSmo. Dño. Nro. pro elevatione Officii, ac Missæ eorundem SS. ad ritum duplicis primæ classis cum Octava humillimè supplicavit, & Sanctitas sua, attentis peculiaribus circumstantiis, pro Clero civi- tatis, & Diocesis Hispalensis tantum, petitis benignè annuit. Hac die 12. Julii 1752.

D. F. Cardinalis Tamburinus,
Præfatus.

Loco ✕ Sigilli.
M. Marefiscus S. Rit. Congregationis,
Secretarius.